

1. 百川東到海，何時復西歸。少壯不努力，老大徒傷悲。
2. 浩浩陰陽移，年命如朝露，人生忽如寄，壽無金石固
3. 對酒當歌，人生幾何？譬如朝露，去日苦多。
4. 卻笑東風從此，便薰梅染柳，更沒些閒。閒時又來，
鏡裡轉變朱顏。清愁不斷，問何人、會解連環。生怕
見、花開花落，朝來塞雁先還。
5. 容顏若飛電，時景如飄風。草綠霜已白，日曾月復東。
華鬢不耐秋，颯然成衰蓬。
6. 君自故鄉來，應知故鄉事，來日綺窗前，寒梅著花未？
7. 蘭陵美酒鬱金香，玉碗盛來琥珀光。但使主人能醉客，
不知何處是他鄉！

8. 我住長江頭，君住長江尾，日日思君不見君，共飲長江水，此水幾時休，此恨何時已，只願君心似我心，定不負，相思意。
9. 客從遠方來，遺我雙鯉魚，呼兒烹鯉魚，中有尺素書。上言加餐飯，下言長相思。
10. 枯桑知天風，海水知天寒。入門各自媚，誰肯相為言？客從遠方來，遺我雙鯉魚。呼兒烹鯉魚，中有尺素書。
11. 今夕未竟明夕催，秋風纔往春風回。人無根蒂時不駐，朱顏白日相隳頽。
12. 勸君且強笑一面。勸君復強飲一杯。人生不得長歡樂，年少須臾老到來。

13. 繁華事散逐香塵，流水無情草自春。日暮東風怨啼鳥，落花猶似墜樓人。
14. 倚危亭。恨如芳草，萋萋盡還生。念柳外青驄別後，水邊紅袂分時，愴然暗驚。
15. 候館梅殘，溪橋柳細，草薰風暖搖征轡。離愁漸遠漸無窮，迢迢不斷如春水。
16. 寸寸柔腸，盈盈粉淚，樓高莫近危闌倚。平蕪盡處是春山，行人更在春山外。
17. 寒雨連江夜入吳，平明送客楚山孤。洛陽親友如相問，一片冰心在玉壺。
18. 故人西辭黃鶴樓，煙花三月下揚州。孤帆遠影碧山盡，惟見長江天際流。

19. 相逢方一笑，相送還成泣。祖帳已傷離，荒城復愁入。
天寒遠山淨，日暮長河急。解纜君已遙，望君猶佇立。
20. 和風鬧燕鶯。麗日明桃杏。長江一線平。暮雨千山靜。
載酒送君行。折柳繫離情。夢裏思梁苑。花時別渭城。
21. 城闕輔三秦，風煙望五津。與君離別意，同是宦遊人。
海內存知己，天涯若比鄰。無為在歧路，兒女共霑巾。
22. 朝聞遊子唱離歌，昨夜微霜初渡河。鴻雁不堪愁裡聽，
雲山況是客中過。
23. 關城樹色催寒近，御苑砧聲向晚多。莫見長安行樂處，
空令歲月易蹉跎。
24. 慈母手中線，遊子身上衣。臨行密密縫，意恐遲遲歸。
誰言寸草心，報得三春暉！

25. 下馬飲君酒，問君何所之。君言不得意，歸臥南山陲。
但去莫復聞，白雲無盡時。
26. 渭城朝雨浥輕塵，客舍青青柳色新。
勸君更進一杯酒，西出陽關無故人。
27. 青山橫北郭，白水繞東城。此地一為別，孤蓬萬里征。
浮雲遊子意，落日故人情。揮手自茲去，蕭蕭班馬鳴。
28. 四十年來家國，三千里地山河。鳳閣龍樓連霄漢。
玉樹瓊枝作煙蘿，幾曾識干戈。
一旦歸為臣虜，沈腰潘鬢消磨。
最是倉皇辭廟日，教坊猶奏別離歌，揮淚對宮娥。
29. 生平年少日，分手易前期。及爾同衰暮，非復別離時，
勿言一樽酒，明日難重持。夢中不識路，何以慰相思。

30. 相見時難別亦難，東風無力百花殘。
春蠶到死絲方盡，蠟炬成灰淚始乾。
曉鏡但愁雲鬢改，夜吟應覺月光寒。
蓬山此去無多路，青鳥殷勤為探看。
31. 長雲小雁。亂葦寒蜚。俱白髮相逢異鄉。
未黃花不似重陽。歌罷滄浪。更引壺觴。送別河梁
32. 城上風光鶯語亂。城下煙波春拍岸。
綠楊芳草幾時休，淚眼愁腸先已斷。
情懷漸覺成衰晚。鸞鏡朱顏驚暗換。
昔年多病厭芳尊，今日芳尊惟恐淺。
33. 昨日像那東流水，離我遠去不可留，今日亂我心多煩
憂，抽刀斷水水更流，舉杯澆愁愁更愁。

34. 從來繫日乏長繩，水去雲回恨不勝。欲就麻姑買滄海，一杯春露冷如冰。
35. 打起黃鶯兒，莫教枝上啼。啼時驚妾夢，不得到遼西。
36. 缺月昏昏夜未央，一燈明滅照秋床。
病身最覺風霜早，歸夢不知山水長。
坐感歲時歌慷慨，起看大地色淒涼。
鳴蟬更亂行人耳，正抱疏桐葉半黃。
37. 晨起動征鐸，客行悲故鄉。雞聲茅店月，人跡板橋霜。
槲葉落山路，枳花明驛牆。因思杜陵夢，鳧雁滿迴塘。
38. 上東門，門外柳。贈別每煩纖手。
一葉落，幾番秋。江南獨倚樓。

39. 平林漠漠煙如織，寒山一帶傷心碧。
暝色入高樓，有人樓上愁。
玉階空佇立，宿鳥歸飛急。
何處是歸程，長亭更短亭。
40. 丹陽城南秋海陰，丹陽城北楚雲深。高樓送客不能醉，
寂寂寒江明月心。
41. 執手霜風吹鬢影。去意徊徨，別語愁難聽。樓上欄干
斗柄。露寒人遠難相應。
42. 翠袖殷勤捧玉鐘，當年拚卻醉顏紅。舞低楊柳樓心月，
歌盡桃花扇影風。
從別後，憶相逢，幾回魂夢與君同。今宵剩把銀釭照，
猶恐相逢是夢中。

43. 盧家少婦鬱金香，海燕雙棲玳瑁梁。
九月寒砧催木葉，十年征戍憶遼陽。
白狼河北音書斷，丹鳳城南秋夜長。
44. 行役在戰場，相見未有期，握手一長歎，淚為生別滋。
努力愛春華，莫忘歡樂時，生當復來歸，死當長相思。
45. 寒山吹笛喚春歸，遷客相看淚滿衣。
洞庭一夜無窮雁，不待天明盡北飛。
46. 獨在異鄉為異客，每逢佳節倍思親。遙知兄弟登高處，
遍插茱萸少一人。
47. 東風吹雨過青山，卻望千門草色閑。
家在夢中何日到？春來江上幾人還？
川原繚繞浮雲外，宮闕參差落照間。
誰念為倫逢世難！獨將衰鬢客秦關。

48. 王濬樓船下益州，金陵王氣黯然收，千尋鐵鎖沈江底，
一片降幡出石頭。
人世幾回傷往事，山形依舊枕寒流，從今四海為家日，
故壘蕭蕭蘆荻秋。
49. 三年謫宦此棲遲，萬古惟留楚客悲。秋草獨尋人去後，
寒林空見日斜時。
漢文有道恩猶薄，湘水無情弔豈知？寂寂江山搖落
處，憐君何事到天涯？
50. 少年聽雨歌樓上。紅燭昏羅帳。
壯年聽雨客舟中。江闊雲低、斷雁叫西風。
而今聽雨僧廬下。鬢已星星也。悲歡離合總無情。一
任階前、點滴到天明。
51. 搖落暮天迴，青楓霜葉稀。孤城向水閉，獨鳥背人飛。
渡口月初上，鄰家漁未歸。鄉心正欲絕，何處擣寒衣？

52. 客居并州已十霜，歸心日夜憶咸陽。無端更渡桑乾河，卻指并州是故鄉。
53. 大江東去，浪淘盡千古風流人物，故壘西邊，人道是三國周郎赤壁。
54. 誰道閒情拋棄久。每到春來，惆悵還依舊。日日花前常病酒。不辭鏡裏朱顏瘦。
55. 江雨霏霏江草齊，六朝如夢鳥空啼。
無情最是臺城柳，依舊煙籠十里堤。
56. 小時候／鄉愁是一枚小小的郵票／我在這頭／母親在那頭／長大後／鄉愁是一張窄窄的船票／我在這頭／新娘在那頭／後來啊／鄉愁是一方矮矮的墳墓／我在這頭／母親在裡頭／而現在／鄉愁是一灣淺淺的海峽／我在這頭／大陸在那頭

57. 盛壯不留，容華易朽。如彼槁葉，有似過牖。往日莫淹，來期無久。
58. 玉階生白露，夜久侵羅襪。卻下水晶簾，玲瓏望秋月。
59. 紗窗日落漸黃昏，金屋無人見淚痕。寂寞空庭春欲晚，梨花滿地不開門。
60. 海畔尖山似劍芒，秋來處處割愁腸。若為化得身千億，散上峰頭望故鄉。
61. 旅館誰相問，寒燈獨可親。一年將盡夜，萬里未歸人。寥落悲前事，支離笑此身。愁顏與衰鬢，明日又逢春。
62. 日色已盡花含煙，月明欲素愁不眠。
趙瑟初停鳳凰柱，蜀琴欲奏鴛鴦弦。
此曲有意無人傳，願隨春風寄燕然。

63. 對青山強整烏紗。歸雁橫秋，倦客思家。
翠袖殷勤，金杯錯落，玉手琵琶。
人老去西風白髮。蝶愁來明日黃花。
拍闌干。霧花吹鬢海風寒。浩歌驚得浮雲散。細數青山。
64. 少小離家老大回，鄉音無改鬢毛摧。兒童相見不相識，笑問客從何處來。
65. 頻聽銀籤，重燃絳蠟，年華袞袞驚心。餞舊迎新，能消幾刻光陰。老來可慣通宵飲，待不眠、還怕寒侵。掩清尊。多謝梅花，伴我微吟。
鄰娃已試春妝了，更蜂腰簇翠，燕股橫金。
66. 紅葉黃花秋意晚，千里念行客。看飛雲過盡，歸鴻無信，何處寄書得。淚彈不盡臨窗滴。就硯旋研墨。漸寫到別來，此情深處，紅牋為無色。

67. 故人江海別，幾度隔山川。乍見翻疑夢，相悲各問年。
孤燈寒照雨，深竹暗浮爍。更有明朝恨，離杯惜共傳。
68. 祖席離歌，長亭別宴。香塵已隔猶回面。
居人匹馬映林嘶，行人去棹依波轉。
69. 輪臺東門送君去，去時雪滿天山路，山迴路轉不見君，
雪上空留馬行處。
70. 去年元夜時，花市燈如晝。月上柳梢頭，人約黃昏後。
今年元夜時，月與燈依舊。不見去年人，淚滿春衫袖。
71. 惆悵多山人復稀，杜鵑啼處淚沾衣。故園此去千餘里，
春夢猶能夜夜歸。
72. 閨中少婦不知愁，春日凝妝上翠樓。忽見陌頭楊柳色，
悔教夫婿覓封侯。

73. 那年／左肩剛披上秋色／右肩已落滿雪花及鄉愁／他被放逐在冰凍的地平線上／遠眺無前人，回前亦不見來者。
74. 念往昔、繁華競逐。歎門外樓頭，悲恨相續。千古憑高，對此漫嗟榮辱。六朝舊事如流水，但寒煙、衰草凝綠。至今商女，時時猶唱，後庭遺曲。
75. 置酒高堂，悲歌臨觴。人生幾何？逝如朝霜。時無重至，華不再揚。蘋以春暉，蘭以秋芳。來日苦短，去日苦長。
76. 梳洗罷，獨倚望江樓，過盡千帆皆不是，斜暉脈脈水悠悠，腸斷白蘋洲。
77. 我達達的馬蹄是美麗的錯誤／我不是歸人，是個過客……。

78. 冉冉孤生竹，節根泰山阿；與君為新婚，菟絲附女蘿。
79. 寒蟬淒切。對長亭晚，驟雨初歇。都門帳飲無緒，方留戀處、蘭舟催發。執手相看淚眼，竟無語凝噎。念去去、千里煙波，暮靄沈沈楚天闊。
多情自古傷離別。更那堪、冷落清秋節。今宵酒醒何處，楊柳岸、曉風殘月。此去經年，應是良辰、好景虛設。便縱有、千種風情，更與何人說。
80. 黃河走東溟，白日落西海。逝川與流光，飄忽不相待。春容拾我去，秋髮已衰改。人生非寒松，年貌豈長在。
81. 楊柳陰陰細雨晴，殘花落盡見流鶯。春風一夜吹鄉夢，夢逐春風到洛城。
82. 寒山吹笛喚春歸，遷客相看淚滿衣。洞庭一夜無窮雁，不待天明盡北飛。

83. 恁時攜素手，亂花飛絮裏，緩步香茵。朱顏空自改，
向年年、芳意長新。遍綠野，嬉遊醉眼，莫負青春。
84. 鳳凰臺上鳳凰遊，鳳去樓空江自流。吳宮花草埋幽徑，
晉代衣冠成古邱。
85. 白日何短短，百年苦易滿。蒼穹浩茫茫，萬劫太極長。
86. 時難年荒世業空，弟兄羈旅各西東。
田園寥落干戈後，骨肉流離道路中。
弔影分影千里雁，辭根散作九秋蓬。
共看明月應垂淚，一夜鄉心五處同。
87. 故園渺何處？歸思方悠哉！淮南風雨夜，高齋聞雁來。
88. 故園東望路漫漫，雙袖龍鍾淚不乾。
馬上相逢無紙筆，憑君傳語報平安。

89. 嶺外音書斷，經冬復歷春。近鄉情更怯，不敢問來人。
90. 燕草如碧絲，秦桑低綠枝。當君懷歸日，是妾斷腸時。春風不相識，何事入羅幃。
91. 情切。望中地遠天闊，向露冷風清，無人處、耿耿寒漏咽。嗟萬事難忘，唯是輕別。翠尊未竭。憑斷雲留取，西樓殘月。羅帶光銷紋衾疊。連環解、舊香頓歇。怨歌永、瓊壺敲盡缺。恨春去、不與人期，弄夜色，空餘滿地梨花雪。
92. 床前明月光，疑是地上霜；舉頭望明月，低頭思故鄉。
93. 迢遞三巴路，羈危萬里身。亂山殘雪夜，孤獨異鄉人。漸與骨肉遠，轉於僮僕親。那堪正飄泊，明白歲華新。
94. 自君之出矣，不復理殘機。思君如滿月，夜夜減清輝。

95. 汴水流，泗水流，流到瓜州古渡頭，吳山點點愁。
思悠悠，恨到歸時為始休，月明人倚樓。
96. 長安一片月，萬戶擣衣聲。秋風吹不盡，總是玉關情。
何日平胡虜，良人罷遠征？
97. 門前遲行跡，一一生綠苔。苔深不能掃，落葉秋風早。
八月蝴蝶來，雙飛西園草。感此傷妾心，坐愁紅顏老。
98. 淚溼羅巾夢不成，夜深前殿按歌聲。
紅顏未老恩先斷，斜倚薰籠坐到明。
99. 尊前擬把歸期說，未語春容先慘咽。
人生自是有情痴，此恨不關風與月。
離歌且莫翻新闕，一曲能教腸寸結。
直須看盡洛城花，始共春風容易別。